

第五十四冊

卷八十八

金石考八

卷八十九

金石考九

新纂雲南通志

盧漢題

簽





金剛波羅蜜

ॐ ५५५५५

ॐ ५५५५५

寶如羅蜜



智寶波羅蜜

ॐ नमो भगवते वासुदेवाय



ॐ वज्रवक्राक्षय

大輪波羅蜜



ॐ वज्रवक्राक्षय

大輪波羅蜜

勝業波羅蜜


उक्तवशीः५:



ལྷོ་ལྷོ་ལྷོ་ལྷོ་

慧
響
日
波
羅
蜜

案以上波羅蜜
六像係上層



ॐ विष्णवे नमः

炎天王

增長天王



ॐ वसुदेवाय नमः

大梵天王



廣目天王

འཛིན་པ་མཁའ་ལྷ་པོ་



ॐ वसुवर्णाय नमः

多聞天王



天主帝釋

ॐ नमो भगवते वासुदेवाय
नमो भगवते वासुदेवाय



उं यत्तु क्वयश्वादा

待国天王

案以上天王
六像係下層



維建極十二年歲次辛卯
三月丁未朔廿四日庚午建鑄

案右建極年月二十二字
在下層持國天王像之左

新纂雲南通志卷八十八目錄

金石考八

中期三

南詔

崇聖寺鐘款

建極年號鐵柱題款

崇聖寺塔題字

崇聖寺塔銅塔模

大理塔甄款識

覺斯樓銅款

永勝石刻佛像

新纂雲南通志卷八十八

金石考八

中期三

南詔

崇聖寺鐘款

銅鐘高丈餘周圍鑄佛像分上下二層每層六面上層每面高二尺五寸廣二尺二寸下層每面高一尺三寸廣一尺七寸每像標名正書復有梵文橫行下層題識建極年月二十二字 在大理縣城北五里崇聖寺此鐘拓片未搜獲用道光雲南通

志摹繪
如次

新建杜鈞跋曰銅鐘高丈餘在大理府崇聖寺前樓鑄作兩層上

層鑄金剛智寶大輪妙法勝業梵似作慧響波羅密下層鑄增長大

梵廣目多聞天主帝釋持國各天王像末鑄建極十二年建蓋

南詔世隆年號在唐懿宗僖宗時也

見金石萃編卷一百六十一

青蒲王昶跋曰按崇聖寺在大理府城西北蓮花峯上雲南通志

稱寺有觀音像高二丈四尺唐蒙氏時董善明鑄又稱唐天寶

間崇聖寺僧募造大士像未就夜驟雨旦起視之溝澮皆流銅

屑即用鼓鑄立像高二十四尺如吳道子所畫細腰跣足像成

白光彌覆三日夜云云而不及鑄鐘之事此鐘但詳年月亦不

言鑄者何人鐘爲建極十二年鑄建極者乃南詔世隆年號世

隆唐書南蠻傳云閣羅鳳子鳳迦異鳳迦異子異牟尋請歸天

子爲唐藩輔德宗嘉之冊爲南詔王元和三年異牟尋死子尋
閣勸立明年死子勸龍晟立長慶三年死弟豐祐立宣宗崩時
豐祐亦死坦綽酋龍立遂僭稱皇帝建元建極自號大理國懿
宗以其名近元宗嫌諱絕朝貢史文如此按唐元宗諱隆基惟
南詔名酋龍是以云名近嫌諱如果名世隆則直犯元宗正諱
不得謂之嫌諱然據馮甦演考實是世隆演考云大中十三年
八月宣宗崩命內臣告哀世隆初立即凶狼悖慢謂我國亦有
喪朝廷不弔問詔書亦賜先王于是以草具進使者而遣還又
南詔向係父子以名相屬獨豐祐之子世隆不相承新安倪蛻
撰滇雲歷年傳云蛻按豐祐或云勸利晟之弟或云利勸晟之
子諸葛元馨滇史稱豐慕中國始不連父名但南詔野史云晟

豐祐當是勸利晟之子而又曰石刻爲勸豐祐則又承尋樂勸而爲勸利晟之弟矣且以後世隆之子隆舜隆舜之子舜化依舊父子相承則不連父名者僅世隆一代耳滇史未確也至唐書斥世隆爲酋龍以其觸犯僭悖而削辱之非果名酋龍也昶按此語亦未確南詔官名有酋望龍爲鱗蟲之長酋龍二字並非削辱之稱當由朝廷避諱改稱酋龍而史沿其舊文耳建極十二年在唐懿宗咸通十二年跋者杜鈞江西新西人官大理

府太和縣令

見金石萃編卷一百六十

曲阜桂馥曰南詔傳坦綽酋龍僭稱皇帝建元建極自號大理國案事在宣宗既崩之後懿宗即位之初當是咸通元年今太

和崇聖寺有大鐘建極年號

見札樸

儀徵阮福跋曰鐘在大理府太和縣崇聖寺作上下兩層每六面上層每面高二尺五寸餘廣二尺二寸餘下層每面高一尺三寸餘廣一尺七寸餘皆鑄各波羅密及天王像每像各標一名正書像與字皆陽文上層曰金剛智寶大輪妙法勝業慧響六波羅密下層曰增長大梵廣目多聞天王及天主帝釋持國天王六像末又有維建極十二年歲次辛卯三月丁未朔廿四日庚午建鑄廿二字是鐘已見於金石萃編蘭泉先生云建極十二年在唐爲懿宗咸通十二年又引太和縣杜大令鈞跋云建極蓋南詔世隆年號也福今得拓本款識悉與萃編合惟慧響之慧字杜跋作疑似詔今審拓本則慧字甚明且以文義度之非慧字而何又持國天王所執弓矢甚短小與漢畫像無異據

此則可知古弓短于今弓蓋古時弓之兩端負絃處不似今時弓稍之長揣其形大約如今時彈丸之弓然然矢太長或古矢

長歟

見滇南古金石錄

騰衝李根源跋曰民國紀元之夏騰永事竣返師大理軍書稍暇偕提督張文光知府秦恩述僚友楊瓊張銘盧鑄繆嘉壽徐進蘇紹章杜澍榆紳范宗瑩張肇興周霞游崇聖寺觀南詔蒙世隆鐘作上下兩層上層六面面高二尺五寸廣二尺二寸分鑄金剛智寶大輪妙法勝業慧響六波羅密下層亦六面面高一尺三寸廣一尺七寸分鑄增長大梵廣目多聞持國五大王及天王帝釋標名皆正書右各列梵文橫書末署維建極十二年歲次辛卯三月丁未朔二十四日庚午建鑄亦正書建極世隆

年號十二年當唐懿宗咸通十二年

世隆者即自稱皇帝改號大理國屢寇蜀川再寇黎雅高駢敗之憤恨疽發背死於越嵩吾騰越來鳳山

有景帝廟塑世隆像相傳王靖遠征麓川時於大理昇置軍中隨行至騰越立廟祝之見吳楷漢景帝廟辨世隆武功雖遜於閣羅鳳亦有足以自豪者

是鐘顯世已久有新建

杜鈞曲阜桂馥青浦王昶儀徵阮福諸家考跋且載阮岑唐三

志滇唐之寶寶之無壞是在榆人爰命工精拓世紙分資流傳

因記游觀所及如此壬子五月

見景遂堂題跋卷一

麗江方國瑜跋曰大理崇聖寺銅鐘滇南瑰寶也李中溪撰崇寺

重器可寶者

有碑今在崇聖寺

舉五物記曰寺樓鴻鐘其狀如幢製作精好

聲聞百里自禁鐘以下此為第一南詔建極十三年鑄蓋唐咸

通元年也又李志卷十三大理府寺觀曰崇聖寺門內有樓上

懸鴻鐘聲聞百里一方晨昏作息視以為節南詔建極十三年

按十二年之誤

造為唐咸通十三年也劉文徵滇志卷三紀大理府古蹟

曰洪鐘在三塔寺樓唐咸通時鑄製大而雅聲遠而洪國初中官錢能見而嘆曰此物宇內罕有恨山川阻隔不能致之宗廟耳即謂此鐘也陳鼎演游記崇聖寺條曰銅鐘二各重十萬斤

南詔建極十三年

按十二之誤

造乃唐咸通年也自來說者僅一鐘而

鼎謂二鐘不識確有二鐘否此鐘墨拓蓋始自太和縣令杜鈞而王蘭泉得之收入金石萃編阮賜卿滇南古金石錄亦載之杜鈞爲太和縣令不審在何年道光光緒雲南通志大理縣志官制題名並未載惟王蘭泉阮賜卿並言之又李宗昉黔記卷一曰杜鈞字景宋號藕莊江西新建人以進士爲雲南太和縣令改易門擢鎮雄牧以事謫戍貴陽道光雲南通志官制題名杜鈞以乾隆五十四年任易門縣知縣

鎮雄州未載

則爲太和縣令應

在乾隆五十四年以前王蘭泉以乾隆五十二年任雲南布政

使兄道光通志題名

則當在滇時得拓本蓋此鐘至是時始大顯也民國十

五年秋瑜遊崇聖寺未見鐘前歲劉世能君考察古代建築赴

大理歸至昆明告瑜曰崇聖寺建極鐘訪之不獲聞諸故老曰

此鐘已毀於清季杜文秀之亂又民國大理縣志三十二曰丙

辰之變

亂即杜

崇聖寺佛像一萬一千四百軀房舍八百九十間盡

毀則此鐘亦或遭難然騰衝李先生景遂堂題跋卷一記之甚

確且寺中元明石刻亦大都今存則此鐘或掩暗室中也

鐘樓舊有聯曰大叩大鳴小叩小鳴普覺夢中之夢一聲一佛

千聲千佛遙聞天外之天亦審今猶存否鐘題建極年號南詔

曾龍改元也考南詔自異牟尋卒傳子尋閣勸閣勸傳子勸龍

晟後其弟勸利豐祐繼立朝貢不絕受唐之封號而豐祐無能
弄棟節度蒙嵯巔專政桀驁悖慢太和三年十一月寇西川悉
衆掩邛戎嶺三州陷成都大掠而還豐祐卒酋龍繼位咸通二
年九月五年正月六年四月數寇嶺州十年十二月十四年十

二月復寇黎州進逼成都

詳見新舊本紀南詔傳杜元穎郭釗李德裕劉潼諸傳唐會要卷八六又卷九九盧求成都記序孫樵書田將軍邊事王謙唐詔林張雲咸通解圍

錄孫光憲北夢瑣言冊府元龜卷四〇一又九八〇太平寰宇記及資治通鑑諸書

唐代西南之禍此時爲極蓋自韋皋薨謝

西川疆吏無能睦邊南詔亦整軍經武與唐爲敵至酋龍立不
受唐之封號而割據一隅也 新唐書南詔傳曰豐祐死坦綽

酋龍立遂僭稱皇帝建元建極自號大理國懿宗以其名近立
宗嫌諱絕朝貢張道宗記古滇說集曰世隆即位建元建極是
爲景莊帝國號大理國李京雲南志畧亦曰世隆立始僭稱帝

號改元建極演載記南詔野史諸書同按世隆即酋龍世字唐

太宗諱

世民

隆字唐立宗諱

基隆

故唐書缺世字改隆音近爲龍又

惡意稱酋名曰酋龍通鑑大中十三年胡省三注酋龍龍字近
立宗諱者非也又稱坦綽酋龍者新唐詔傳曰官曰綽曰布燮
曰久贊謂之清平官所以決國事輕重猶唐宰相也則酋龍初
爲坦綽之官豐祐死而繼位胡本南詔野史豐祐傳大中十三
年命子世隆爲坦綽舊唐本紀唐會要卷九九並載咸通十年
十一月南詔蠻驃信坦綽酋龍率衆二十萬寇嶺州定邊軍時
酋龍已僭號皇帝猶以坦綽稱之也 酋龍立之年新唐書南
詔傳曰會宣宗崩使者告哀是時豐祐亦死坦綽酋龍立朝廷
不弔卹又詔書乃賜故王以草具進使者而遣按宣宗以大中

十三年八月崩告哀使至雲南當在是年冬時僣龍已立楊慎

滇載記世隆之立以唐武宗會昌十三年會昌為大中之誤會昌僅有

年六僣龍以大中十三年立則改元建極應在咸通元年此鐘款

維建極十三年歲次辛卯三月丁未朔廿四日庚午建鑄即在

咸通十二年所紀辛卯丁未庚午並與唐曆全相符合 新唐

書南詔傳初僣龍遣清平官董成等十九人詣成都節度使李

福將廷見之成辭曰皇帝按僣龍奉天命改正朔請以敵國禮見福

不許所謂改正朔者即不奉唐正朔然以此鐘款證之適得其

反僣龍雖建年號猶奉唐之正朔也通鑑咸通七年三月南詔

遣清平官董成等詣成都節度使李福盛儀衛以見之故事南

詔使見節度使拜伏於庭成等曰驃信按僣龍已應天順人我見節

度使當抗禮不言改正朔當據實錄之文而新書即用此文改
易字句所謂改正朔語亦以意說之不足信也樊綽雲南志卷
八曰改年即用建寅之月其餘節日粗與漢同唯不知有寒食
清明耳新書南詔傳亦曰俗以寅爲正四時大抵與中國稍差
樊志所紀即咸通初年事新傳則本樊志所謂四時與中國稍
差者即不知有寒食清明或因氣候言之其曆朔則全與中國
同也玉溪編事曰南詔以十二月十六日謂之星回節日又引
驃信詩不覺歲云暮感極星回節清平官趙叔達詩河闊冰難
合地暖梅先開即十二月節候也 此鐘之鑄正當酋龍入寇
西川之時而雲南佛教遺物可確知年月者莫先於此蓋其時
西南擾攘而佛教最盛此鐘亦可爲證册府元龜卷四二九又

卷九九八○並載太和五年五月南詔放還先虜掠百姓工巧

僧道約四千人至西川事即太和三年十一月蒙嵯巔攻陷成

都虜至雲南者僧道本無家既至雲南當宣揚佛法其時南詔

與西川兵禍連年惟佛法相交通未絕如新唐書藝文志丙部

道家類著錄七科義狀一卷雲南國臣段立之問僧悟達答按

悟達即知玄法師杜元穎鎮西川時講經於大慈寺聽者萬人

廣明二年僖宗入蜀賜號悟達國師見贊寧宋高僧傳卷六十有傳段立之之至蜀當

在咸通乾符之際又新唐書南詔傳載乾符元年酋龍寇西川

時高駢鎮蜀數遣使議和酋龍不答駢以其俗尚浮屠法故遣

浮屠景仙攝使往酋龍與其下迎謁且拜乃定盟而還又太平

廣記載唐乾符按符字原作封二年韋陀將軍童真告宣律師曰西洱河

曲阜桂馥跋曰鐵柱在彌渡之西高七尺五寸徑二尺八尺有文
曰維建極十三年歲次壬辰四月庚子朔十四日癸丑建立土
人建廟塑男女二像號稱馳靈景帝大黑天神案南詔佑世隆
僞謚景莊故稱景帝世以此柱爲諸葛武侯造滇人傳會多類

此見扎
樸

儀徵阮福跋曰福久聞趙州有諸葛武侯紀功鐵柱爲唐時重鑄
今偵得在州城之南彌渡鎮有鐵柱廟柱立於佛象前高一丈
圍圓三尺有直列陽文正書維建極十三年歲次壬辰四月庚
子朔十四日癸丑建立廿二字較崇聖寺鐘年月款字稍小而
體絕相類當屬一人手筆其歲次則後一年在唐爲懿宗咸通
十三年也案建極乃南詔世隆僞號馮甦滇攷稱南詔興自細

奴邏當唐太宗高宗之際雲南大首領張樂進求祭鐵柱細奴邏從之數著神異樂進求遂讓以位鐵柱者諸葛武侯所立歲久剝泐樂進求重鑄云云此柱所鑄文不言武侯亦不言重鑄豈細奴邏所鑄已壞而世隆別立此柱耶滇中金石文字元以後頗多而宋以前絕少此柱文出於唐時最爲稀有故手摹而

列之於右

見滇南古金石錄

麗江方國瑜跋曰右彌渡鐵柱題款二十二字所紀干支悉與唐曆合彌渡原屬趙州古白岩地民國始分白岩及祥雲蒙化賓川所屬押花地置縣鐵柱在縣城西十餘里元明以來多見紀錄郭松年大理行記曰白岩甸西南有古廟中有鐵柱高七尺五寸經二尺八寸乃昔時蒙氏第十一主景莊王所造題曰建

極十三年壬辰四月庚午朔十有四日癸丑鑄土人歲歲貼金其上號天尊柱四時享祀有禱必應或以爲武侯所立柱非也

按奇晉齋本無非字茲從景泰雲南志所載

張道宗記古滇說集曰世隆建行宮於白岩甸中

親履甸之西南建德致神廟寬廠精巖壯麗中立鐵柱高七尺五寸經二尺八寸上題曰建極十三年壬辰四月庚午朔十有四日癸丑鑄以鎮山川實唐咸通十三年也按道宗此文參用郭松年行紀自後雲南志書所載即引自郭松年文松年謂或以爲武侯所立者當出自白通張道宗記古滇說集曰諸葛

亮回兵白崖立鐵柱以紀南征改益州曰建寧以張仁果

按相傳漢武帝時人

十七世孫張龍祐那領之李元陽雲南通志卷二大理府古跡

曰鐵柱在趙州南百里白崖諸葛亮既擒孟獲回白崖立鐵柱

紀功改益郡曰建寧即其地也柱年久剝泐至唐懿宗咸通間
龍佑那十五世孫張樂進求思武侯之功重鑄鐵柱合酋長九
人祭天於柱側是日有鳥五色集於鐵柱頃之飛憩蒙舍酋長
習農樂左肩上衆以爲異戒勿驚擾農樂寢食唯謹十八日鳥
乃去衆以天命攸屬張樂進求遂遜位農樂農樂不敢當衆強
之立爲興宗王是爲蒙南詔

按又見於卷三
蒙化府古跡

按此紀錄不足爲信史

蜀改益州郡爲建寧郡其地在滇池而白崖則屬雲南郡又習
農樂即細奴邏南詔之始祖非咸通年間人此與史事刺謬則
諸葛武侯至白崖建鐵柱之說亦未必有據也張樂進求曾諸
酋祭鐵柱細奴邏有異兆進求乃讓位其說見於記古滇說集
南詔野史白國因由諸書當出白古通蓋因有鐵柱而附會細

奴邏得國之故事又相傳張樂進求爲龍佑那之裔佑那曾受
武侯封又附會鐵柱爲諸葛武侯所建而此鐵柱有建極年號
故又附會爲此時重建凡此道聽塗說爲民俗學之資料不足
以言史事李志收入古蹟劉文徵滇志以下從之王樂山道光
志鈔載其事於南詔世家道光雲南通志金石門曰鐵柱志書
以爲諸葛武侯所建至唐時重立今以無據不取云云并錄之
以質方聞三十年二月六日

崇聖寺塔題字

景泰雲南圖經志書卷五大理府寺觀曰崇聖寺在點蒼山下有
三塔峙立寺前中塔高三百餘尺崇十六級製極精巧塔石刻曰
唐玄宗開元元年癸丑歲大匠恭韜徽義所造

李元陽崇聖寺重器可寶者記曰三塔中塔高入雲表寰宇無匹
旁二塔如翼內向頂有鐵鑄記曰大唐貞觀尉遲敬德造皇明正
德乙亥五月六日地大震城郭人廬盡圯中塔折裂如破竹旬日
復合宛然無瑩微神力何克臻此楊慎重修弘聖寺記曰崇聖寺
塔頂鐵鑄款識曰貞觀尉遲敬德監造吳鵬重修崇聖寺記塔頂

有鐵記云貞觀六年尉遲敬德監造

見劉文徵演
志卷二十一

杜均錄法界通靈明道乘塔八字跋曰右八字作兩行在崇聖寺
前三塔中最高一塔第一層重簷蔽之故完好無剝蝕痕中間一
碑磨平無一字蓋南詔時立不知何代剗去也
見金石萃編
卷一百六十又王昶跋
曰按雲南通志崇聖寺有三塔其一高十餘丈十六級其二差小
各鑄金爲頂頂有金鵬也傳龍性敬塔而畏鵬大理舊爲龍澤故

以此鎮之此所題字二行在三塔中最高一塔即十六級之第一

級見金石萃編卷一百六十

Blank manuscript page with vertical lines.

按塔上題字當建塔時所爲元代紀錄稱三塔建自李唐郭松
年大理行記曰崇聖寺中有三塔一大二小大者高三百餘尺
凡十六級樣製精巧即唐遣大匠恭韜徽義所造塔成韜義乃
歸張道宗記古滇說集曰唐遣大匠恭韜徽義至蒙國於開元
元年癸丑造三塔於點蒼山下建崇聖寺於塔之上倚山臨水
無不精麗塔高三百尺崇十六級李源道崇聖寺碑銘並序曰
寺在郡之點蒼山下蒙氏所創也三塔峙立金碧文輝巨麗與
山埒又遊崇聖寺詩有古塔參差映寶曇之句明清間人遊記
題詠多稱之並以爲唐蒙時物太平廣記載唐符二年韋陀將
軍童眞告宣律師曰西洱河大袤百里廣三十里按即大里平原中有洲
島古寺經像尙存無僧住持經文與人相同按謂與中原相同時聞鐘聲按乾符前

已有建極年號鐘

百里殷實每三年供養古塔基如戒壇二重塔上有覆釜

彼土諸人見塔每放光明即以素食祭之求其福祚也

從滇略卷十引

此

古塔當即指崇聖寺塔塔礎方形上有頂如覆釜即與所記相合若此紀錄可信則乾符年間已稱之古塔當建於初唐而其年歲與造塔人名景泰志稱石刻曰唐玄宗開元元年癸丑歲大匠恭韜徽義所造又李記稱鐵鑄記曰大唐貞觀尉遲敬德造二說不同按石刻稱玄宗當非事實鐵鑄記在塔頂非能目睹則所引石刻與鐵鑄記未足為確據且既有石刻應嵌入塔身今塔上有一碑無字杜鈞疑為後人磨平則景泰志所引者或即此碑然景泰志果有確據何至李元陽復有異說民國十二年大理地震塔頂墜地上無文字故石刻鐵鑄雖前人之

確鑿猶不能輕信也前歲劉世能在大理獲塔上古磚上有藏文據陳寅恪言若有藏文則塔不應爲開元以前修建果如所言知塔爲南詔時物而不能確定其年代也又以劉世能之考察斷定三塔爲中原式之建築非印度式之建築則元明以來謂塔爲唐朝遣使所造其說可信 考西漢置葉榆縣即今大理縣境然自南朝以後未能切實治理南中西洱河附近土族爭長分爲百數十部落唐武德間吉宏韋韋仁壽至其地招諭復有梁建方趙孝祖李知古唐九微高守信先後以兵臨之然亦未能切實治理

見新舊唐本紀南蠻傳章仁壽傳張柬之傳唐會要卷九八太平寰宇記容齋隨筆卷一諸書

至蒙詔強盛始侵西

洱河破五詔而得大理之地其時在開元二十四年至二十六

年之間蒙詔遷都至太和城以爲固

見新舊唐書南詔傳樊雲南志卷三盧求成都記南詔德化碑諸書

至是大

理成爲政治文化之中心修建如此偉大之三塔亦當爲南詔

建都以後事若爲唐朝遣使所造則應在皮羅閣受封雲南王

之後閣羅未叛唐之前即開元二十六年
後天寶九載前或異牟尋復歸唐之後蒙嵯

巔寇西川之前即貞元十年後
太和三年前而乾符間已稱古塔則爲開元天寶間

物乎王崧本南詔野史豐佑傳曰開成元年嵯巔建大理崇聖

寺基方七里聖僧李賢定立三塔高三十丈佛一萬一千四百

屋八百九十銅四萬五百五十斤自保和十年至天啟元年功

始完匠人恭韜徽義徐正按此說蓋以開元元年說誤爲開成

元年故繫年於此胡蔚本野史即謂爲嵯巔重修非嵯巔始建

也

崇聖寺塔銅塔模

民國十四年乙丑二月二十二日大理地震崇聖寺塔頂震落內
有銅製塔模高一尺二寸重六斤四兩七級頂作亭閣式四面造
佛三十軀下層則四天王托塔翠色斑斕精氣奪目當爲滇中第
一重器今存昆明李氏

大理縣
採訪冊

按塔頂銅器如孟圍五尺許高二尺許厚五分累層置重器於
其中旁出旌旗如翅塔下仰望不辨爲何器相傳爲大鵬鳥李
元陽雲南通志卷十三寺觀志所謂錯金爲頂頂有金鵬世傳
龍性敬塔而畏鵬大理舊爲龍澤故以此鎮之云云即此物也
民國十四地震中塔塔頂墜地爲駐兵剝取幾盡鎮守李選廷
得塔模聞尙有若干精器爲有力者攜去未知是否

大理塔甄款識

廣七尺長五寸餘保山袁氏收藏阮福得拓本著錄於滇
南古金石錄道光雲南通志金石門亦載之茲摹文如次

...

...

...

...

...

...

...

...

...

...

儀徵阮福跋曰道光十年正月於永昌袁榆谷明經毓馨案頭見
有古甄硯半截質瑩潤有光澤叩之聲琅然以今尺度之約廣
七寸長五寸餘是爲半截不知實長若干也其陽琢爲方硯其
陰則週圍邊闊寸許厚亦如之邊下橫列阿閼佛滅正報咒七
字自左而右行下有梵字四列列若干字其第四列中剝蝕者
彷彿有五字迹焉字皆陽文其佛號之七字作楷式洵得唐人
正格余所集滇南金石錄中正闕甄文亟取拓摹附入考滇地
本鄰西藏而大理一郡久傳爲妙香國郡治有三塔寺亦不知
建自何時志爲唐初蒙氏所增修中塔高二百餘尺級十有六
其二差小塔頂有款識爲唐開元元年南詔請唐匠恭韜徽義
造並聞年老者言昔中塔之門四周皆嵌梵經甄石其文皆最

佳之唐字今一并無存矣然則此甄之爲塔中物無疑也玉篇云閱衆也彌陀經東方有阿閱鞞佛又阿閱淨名經云有國名妙喜佛號無動疏云阿之言無閱之言動又法華經云其二沙彌東方作佛一名阿閱在歎喜國閱初六切謂衆在門中福案家大人精古齋鐘鼎款識吳侃叔云南宮中鼎族作恂久即棲矢之形們即棲矢之器也磚中閱字當即是恂之遺意玉篇所收之字古而非俗閱字雖出佛典亦必是六朝以前本有此字也福將南旋不意於倚裝時復覩此甄因摹刻甄文以備滇金石之一

道光雲南通志曰謹案梵字分四排橫書自左而右今譯出上排曰釋迦佛祖化觀音二排曰佛內之名如來佛三排曰天下佛

有伽藍神四排曰如來觀音伽藍呪第四排觀音伽三字闕

按此甄蓋得之於大理今蒼山麓崇聖寺附近多棄甄間有文字者數函大理縣教育局搜訪竟未復阮福以爲即崇聖寺塔甄未能驗也猶待嗜古者考焉

覺斯樓鐘款

永北縣地志

民國十年
楊錦文集

曰城內覺斯樓有鐘高六尺許口經八尺重萬

斤上鐫唐貞觀四年鑄晨昏叩之聲聞百里清光緒三十四年燬於火僅存口圍一圈最古物也永勝縣教育局採訪此鐘已於光緒二十四年燬於火現僅存鐘頂鐘口及鐘身破片一塊鐘口直徑有營造尺五尺厚五寸

按此鐘已燬茲用照片影印如次

...

...

...

...

...

...

...

...

...

...

...

按李元陽雲南通志卷四北勝州古蹟曰大德古鐘在大德寺前段氏時鑄鐘樓以棲之境內有風雹擊之可止劉文徵滇志卷三同此大德鐘疑即覺斯樓鐘李志寺觀志北勝州不載大德寺惟景泰雲南志曰大德寺在北勝州西而今已無此寺不識覺斯樓即大德寺故址否李志謂大德鐘段氏時鑄未言有款識紀年月當傳聞如是覺斯樓鐘永北地志謂上鐫唐貞觀鑄惟今永勝縣教育局採訪謂殘存鐘身無此數字則纂地志時亦未必獲睹題款則謂爲貞觀時者亦傳說如是耳則此鐘之年代不可確知惟既相傳爲古鐘當非元明以後物也

永勝石刻佛像

觀音像高五尺四寸廣二尺四寸在永勝縣城東五里靈箐石壁影印拓片如次

永寧寺

文平公本西魏以對魏諸公古德其非元明以新修也

初亦未悉蘇禪讓煒因讓其真蹟知昔年將燒燬景耳明此

論謂今永額碑遠古風對諸儒於寺觀良然此遺字阻纂此志

煒禪以平且當與開以景受讓對觀夫其志輔七讓與真蹟

鑿證以對明大齋寺為世古李志謂大齋觀對丑觀天宮

齋寺對景泰雲南志曰大齋寺在永寧縣西今已無此寺不

審三同此大齋觀對明景禪對觀李志寺碑志并無此不簿大

簡與丑初觀觀對以對之景內有風雲變之何五條文燭前志

姓李元觀雲南志卷四北魏林古觀曰大齋古觀并大齋寺

麗江方國瑜跋曰右永勝靈源箐石刻觀音像爲滇中畫像之較古者景泰雲南圖經志書卷四北勝州古跡曰石刻佛像在州東山下石壁間有古時鐫刻釋迦觀音二像其旁題曰唐吳道子筆正德雲南志卷十二李元陽雲南通志卷四北勝州山川劉文徵滇志卷十七寺觀志並載之周弘祖古今書刻卷下亦著錄此刻畫在景泰年間已稱古時鐫刻則當爲明代以前物蓋傅友德平滇距景泰修志時不過七十餘年也石壁之前建觀音閣明天順七年瀾滄衛都指揮使陸興重修之學正管鏞撰碑記曰滄域按瀾滄衛城卽今永勝縣治之東有山名曰觀音箐箐之上石壁間有鐫刻觀音釋迦二像傍題曰唐吳道子筆政光六年始覆以閣因名焉國朝洪武永樂間嘗因其蔽而葺之歲久傾圮二像

巋然獨存過者悽然天順癸未都閩陸公興守備茲土倡衆出
貲建閣飾像暮年而落成焉是知建閣在刻像之後而洪武永
樂間重葺之則閣之始在洪武前即所謂之政光六年也元代
無政光年號疑爲大理改元而雲南志略滇載記南詔野史諸
書大理國時代無用政光年號者則難斷建閣自何時然諸書
所記大理國年號錯落最多不能以諸書無徵而謂無此年號
也管鏞當據建閣碑記故言之明白如是然碑記已不傳且管
鏞之記見於李元陽雲南通志卷十三節錄他書未載不識錄
文有誤字否 永勝在西漢爲遂久縣地隸越巂郡至蜀漢以
後隸雲南郡詳見拙作漢晉雲南郡縣考釋李元陽通志卷二曰漢遂久縣在金江北
古稱白門蓋入雲南郡之門也下文即引唐劉灣詩此兩句宋

陳世崇隨隱漫錄引之題爲雲南行李志蓋因旅行詩而載之

遂久自昔爲越嶲與大理間之交通孔道至今如此其文化之發達當

較早然唐以前地爲爨族及麼些所據其族不奉佛教佛像石

刻未必在唐代也元史地理志北勝府曰段氏時高智昇使其

孫大惠鎮此郡後隸大理姚安高氏宦譜高智昇子昇泰昇泰

第三子泰慧泰慧子慧珠歷八世至孫祥益爲北勝州同知此

泰慧即大惠同音異字蓋自泰慧以後高氏治理永勝至今猶

擁土同知之虛名友人木占春曾爲瑜至永勝訪高士司家索家譜惟謂因兵燹被燬云高氏敬信三寶大理國時

代滇中佛教遺蹟多高氏所爲疑永勝佛像石刻亦高氏鎮守

其地以後所作考高昇泰受段氏讓位爲帝當宋哲宗紹聖年

間見南詔野史則泰慧之鎮永勝亦當其時即距大理國滅之之前約

百六十年佛像石刻即疑此時以後物也觀音像旁刻夏文彥
圖書寶鑑之吳道子傳按文彥作書於元季見陶宗儀輟耕錄當為明清間

人所補刻 自來紀錄石刻有觀音釋迦二像今觀音像完好

而釋迦像則未聞不識猶存否永北府志曰府東山石壁下鐫

刻釋迦觀音二像而觀音最著靈感遠近印送殆無虛日乾隆

甲申山陰許炎以原像高五尺許僅堪懸之大廈而斗室則未

能敬摹小像立石於旁云云從道光通志卷二九六引則乾隆以前此刻像已大

顯昆明圓通山有碑刻觀音像即仿此翻刻者世人咸重此刻

當非偶然也

按石刻釋迦觀音二像今惟搜獲觀音像滇中畫像此為最古

胡蔚楊柄銜黃恩錫胡墩釋上文諸人並有題詩載道光志及

永北地志茲未錄

劍川趙式銘曰世傳唐吳道子畫佛像多係摹本東坡詩已將
鐵石充逸少更把朱絲爲道立是在宋時道子真筆已不易得
所流傳者多朱絲臨撫耳滇去中州遠今所傳永勝靈源箐昆
明圓通山石刻觀音像其爲道子真筆與否尙難斷定然即此
可想見佛教之盛早徧於東西迤故其人民喜和平惡殘殺亦
較之中州爲尤甚畫之眞膺不足深辨也

新纂雲南通志卷八十九目錄

金石考九

中期四

大理圖

段氏與三十七部會盟碑

地藏寺古幢

地藏寺界石

護法明公德運碑贊摩崖

卷八十八 金... 目錄

蘇武門公書事贊

蘇武書

蘇武書

蘇武書三十

中興四

金... 武

蘇武書南... 八十八目錄

新纂雲南通志卷八十九

金石考九

中期四 大理國

段氏與三十七部會盟碑

高四尺四寸廣二尺六寸五分作上下兩截書上截十一行行十三字左行下八行皆人名行書今在曲靖縣奎閣

明政三年歲次辛未宣諭踰奉承 睿旨統率戎行委服皆 恩撫

安邊塞是以剪除迤衆鎮長奇宗求州首領代連弄兔覆磨乃等三

邑統置迤衆鎮以二月八日迴軍至三月七日到石城更討打賊郎

羽兮阿房田洞合集世七部媵伽諾十二將弄略等於四月九日斫

羅沙一遍兼頒賜職賞故迺與約盟誓務存久長上對衆 聖之鑿

知下揆一德而跼而

三軍都統長 皇升布夔段子玩

都監三軍禮樂夾長附馬布夔段彥貞彥賁字覽楊連永楊永

彥

侍內官久贊段子惠李善

督爽王清志

貼侍內官贊衛楊定存

理摸陀道揚定福

施迺袁永智蘇晟興

清浦王昶跋曰按雲南通志石城廢縣在曲靖府城北二十餘里

唐貞觀四年置莊州領縣七石城其一也石城碑在城北二里

許昔段氏破楊干貞與三十七部落會盟立

東方黑巖松巖共有三十七部其名曰陽城堡部休臘部嚼峨部強現三

部王弄部舊處甸部件溪落恐部鐵容甸部官桂司陀部屈中部師中部落蒙部彌沙部邑市部維摩部彌勒部磨彌部羅雄
部納垢部夜直部落溫部吉輸部褒惡部羅部仁地部白鹿部掌鳩部法塊部謀統部子矢部羅發部洪農祿勸部華竹部強
宗部休制部步雄部羅伽部其
會盟之所在曲靖北二十里

康熙十八年營兵於土中掘出碑字猶存文云

明政三年歲次辛未明政亦作明正辛未爲宋太祖開寶四年

滇史載開寶二年段素順立改元明正在位十七年卒私諡應

道皇帝南詔之事唐書所載自昭宗以後中國亂不復通史無

可考宋史載大理國傳始於熙寧九年以前亦無可考故自唐

末迄宋初僅見滇考及南詔野史二書稱唐宣宗大中十三年

豐祐死子世隆立改元建極號大理國禧宗乾符四年世隆死

子隆舜立改號大封民國建元貞明昭宗乾寧四年隆舜爲楊

登所弑子舜化真嗣天復二年清平官鄭買嗣弑舜化真自立

爲帝僭號大長和國改元安國蒙氏遂絕梁太祖開平三年鄭

買嗣死子旻立唐莊宗同光四年鄭旻死子隆亶立改元天應
明宗天成元年南詔節度使楊干貞弑鄭隆亶而立侍中趙善
政改元尊聖次年改天應四年楊干貞自立改國號曰大義寧
改元光聖又改興聖長興元年又改大明晉高祖天福元年通
海節度使段思平討楊干貞干貞自縊死二年段思平自立號
大理國改元文德晉齊王開運二年段思平死子思英立改元
文經三年羣臣廢思英而立其叔思良改元至治周太祖廣順
元年段思良死子思聰立改元明德居位十七年改元順德是
年死傳子素順宋太祖開寶二年段素順立改元明正即此碑
所稱之明政也雲南當宋初爲太祖所棄史稱乾德三年正月
王全斌平蜀欲以兵威取滇進滇地圖帝鑒唐之禍以玉斧畫

大渡河

唐書作大度河

曰此外非吾有也由是滇南與中國不通

大渡河在建昌城北源出吐蕃

合金沙入大江趨東海其所經繞在嵩昆明之間

素順之立史既不載而此碑所載明政三年集二

十七部討賊約盟之事即滇考野史亦不詳此碑出土逾百二

十餘年文僅泐一字餘完好可貴也

見金石萃編卷一百六十

曲靖喻懷信跋曰此三十七部會盟石城碑也段素順明政三年

辛未當宋太祖開寶四年迄今八百七十餘歲也康熙初掘土

得之為南寧最古石刻舊在北門外武侯祠懷信恐年久湮沒

言於學官及諸同人移置城內奎閣嵌之壁間俾好古者得以

考鏡焉府教授劉承道訓導許鴻謙縣教諭趙本崇訓導載志

書院掌教何銓貢生陳楹生監劉楷張陳善解安瀾荀彬喻懷

誠道光二十九年己酉七月朔邑人喻懷信記

此跋刻嵌石於碑上端

番禺黃炳堃跋曰石城碑在雲南南寧縣文右旋明政三年辛未
即宋太祖開寶四年蓋段素順之鎮長與三十七部會盟所立
石也其人名及部落名皆蠻語不可解滇中石刻如爨寶子及
爨龍顏兩碑結字用筆猶有漢晉遺意此碑則純是唐人法涪

翁筆勢絕類此種

見希古
堂文

武緣黃誠沅跋曰段氏會盟碑明政三年歲次辛未其文左行舊
在雲南南寧縣北二十里三岔古城後沒於土康熙十八年復
爲營兵掘出咸豐二年移置城內武侯祠字逕寸餘大類李北
海書惟其中半雜夷語多不可解阮元雲南通志引舊通志以
爲段氏破楊干貞與三十七部會盟所立者誤也考明政三年
辛未乃段素順僞號當宋太祖開寶四年上距思平開國已閱

三十五年矣

見蝸寄廬
隨筆卷二

石屏袁嘉穀跋曰石城碑明政三年辛未立高四尺四寸廣二尺

六寸分上下兩截十一行行十三字左行下八行皆人名行書

在南寧縣全碑文僅泐一字收金石萃編今不復錄王蘭泉云

唐貞觀四年置莊州領縣七石城其一也康熙十八年營兵於

土中掘出碑字猶存明政一作明正大理段素順年號素順之

立史既不載而此碑所載明政三年集三十七部討賊約盟之

事即滇考野史亦不見按碑之三十七部即東方黑爨松爨三

十七部南北朝時已著名見北史素順時爨氏散亡當日迤東南事

實猶賴碑存崖略耳

見滇釋
卷二

騰衝李根源跋曰孫少元師拓贈高四尺四寸廣二尺六寸分上

下層上層十一行行十三字字徑約一寸左行行書

多字體似麓山寺碑辭
艱澀如初令旨岑

唐兩志左
右倒抄誤

下層八行列段子玩等銜名康熙十八年在曲靖府治北

二里舊石城遺址出土道光末府學官劉承道等移置城內奎

閣碑紀段氏集三十七部討賊約盟事三十七部者青浦王氏

謂即黑爨松爨詳注其部蓋在今之雲武澂廣曲鎮東昭諸郡

貴州之大定興義普威亦屬之爨段重要之史蹟也明政

南詔野史
滇紀載均

作明正
應從碑

大理國段素順年號素順思平弟思良之孫稱應道皇帝

者也

見景遂堂
題跋卷二

姚安由雲龍跋曰王氏金石萃編作石城碑通志作段氏會盟碑

金石目作段氏三十七部會盟碑在曲靖縣奎閣康熙十八年

於城北二里許石城舊址營兵掘土得之石城者唐貞觀四年

置莊州領縣七石城其一也自天復二年唐昭宗末清平官鄭買嗣官六

詔官名職如宰相

弒其主舜化真而自立號大長和國改元安國蒙氏遂絕

傳至其孫隆亶東川節度使楊干貞弒鄭隆亶而立侍中趙善

政南詔天應三年當明宗天成四年改國號曰大天與改元曰興元鄭隆亶天應趙善政興源善政之立約在天成三年楊干貞尊聖元萃編

作善政改元尊聖次年改天應次年楊干貞自立改國號曰大義甯改元曰尊聖此據李兆浴歷代紀

元編所列滇雲歷年傳滇繫鄭買嗣弒主篡立于天福二年相差幾十年後又書昭宣帝天佑三年買嗣建普明寺梁太祖開平二年買嗣鑄佛身三年買嗣死子旻立其誤特甚故從李書李書載干貞初元曰尊經繼曰大明曰鼎新曰光聖而萃編作

改元光聖長興元年又改大明顛倒次第與正閩考亦不合當唐明宗天成四年越四年至後晉天福元年

通海節度使段思平合三十七蠻部討之干貞敗死次年思平

自立號大理國改元文德此碑即紀其在石城會盟出師之事

也碑高四尺四寸廣二尺六寸五分分上下兩截行書十一行

行十三字左行上截叙會合三十七部共約盟誓下截八行皆

人名其文字多別體費解首即書明政三年歲次辛未已傳四

代至段素順當宋建隆四年

此據李書而歷年傳作開寶二年段素順立改元明正距思平初立幾三十年絕不合也

改元明正

殆追叙其祖績而立碑以永之後銜名首行三軍都統下空二

格即爲思平避其諱也萃編謂素順之立史既不載即碑所載

明政三年集三十七部討賊約盟之事演考野史亦不詳云云

倪蛻翁歷年傳諸書皆在後出故王氏未見然亦不盡吻合蓋

五代天下喪亂奸雄駟獐乘時竊據比比而然即神州禹域易

姓紛更如翻熬餅紀載家或且不屑秉筆矧邊隅之地更無足

論乎惟書法葉鞠裳語石稱其精采飛動以得見爲平生幸事

則其價值可知也

見定庵題跋

麗江方國瑜跋曰右大理國段氏與三十七部會盟之碑正德雲

南志卷九曲靖府古蹟曰石城在府城北二十餘里舊有一碑
乃段氏與三十七部諸蠻立誓盟之碑即謂此碑也李元陽雲
南通志卷三曲靖府古蹟劉文徵滇志卷三古蹟志載之則明
代已知有此碑而康熙雲南通志卷十九古蹟志曰石城碑在
曲靖城北二里許昔段氏與三十七部落會盟所立本朝康熙
十八年營兵於土中掘出碑字猶存喻懷信跋此碑亦謂康熙
間掘土得之則或嘉靖萬曆後淹沒土中康熙年間復出也王
蘭泉金石萃編卷一百六十首錄此碑文而多誤字蓋拓本未
精也光緒雲南通志卷一百十三載碑文誤字尤多且原刻左
行而誤錄自右不可卒讀碑稱明政三年歲次辛未按南詔野
史段素順以宋太祖開寶二年即位改元明政滇載記作
明正誤則明政三

年當宋開寶四年是年適逢辛未以碑証之野史所說可信楊慎滇載記曰段素順以建隆四年立與野史異惟載記又曰素順在位十七年其子素英以雍熙三年立則謂建隆四年者誤又李京雲南志略無段素順一代蓋因素順前段思聰亦在位十七年故傳鈔誤奪耳明政三年距段思平討楊干貞建大理國已三十五年而倪蛻滇雲歷年傳卷五曰段思平借兵東方黑爨松爨三十七部會於石城與思平盟誓立碑乾隆雲南通志卷二十六古蹟志亦曰石城碑昔段氏破楊干貞與三十七部落會盟立由夔舉先生定菴題跋謂段素順追其祖績而立碑以永之後銜名首行三軍都統下空二格即爲思平避其諱也然碑稱奉睿旨統率戎行委服皆恩撫安邊塞云云則非追

述段思平事蹟且三軍都統下空一格者因下文爲皇字空格
尊之非因避諱也大理段氏與三十七部之交涉見於紀錄者
如高昇泰討楊義貞起東方黑爨之兵段正嚴時三十七部叛
高泰明討平之三十七部復叛高明清戰死段智祥時征三十
七蠻部平之段興智時高泰祥募兵於三十七部固知大理段
氏與三十七部關係甚夥此碑紀統戎撫邊與三十七部約盟
事雖未見於紀錄然不容附會段思平之事蹟也正德雲南志
卷二雲南府古蹟載官渡市中有古碑相傳蒙摩阿嵯與三十
七部會盟時立以後志書多著錄周弘祖古今書刻卷
下誤作昆明市古碑疑亦段氏與三十
七部會盟之碑然未獲訪也碑稱合集卅七部即大理國之三
十七爨部屢見於元代以後紀錄而三十七部之稱則始見於

此碑賈賁晉寧忠烈祠記

元至順二年

稱李毅爲南蠻校尉寧州刺史

領雲南三十七部此蓋本華陽國志卷四南中志李毅爲南夷校尉持節統兵鎮南中統五十八部夷族都監行事之語然此五十八部指寧州諸夷族非僅爨部且非三十七部也考之史籍自漢武帝開南中設郡縣迄東晉中土多故治理南中已鞭長莫及爨族爭強漸成割據雖不絕朝貢已自命爲王唐初爨部擾亂南詔兵力平定之諸爨由是離弱閣羅鳳乃築拓東城於滇池治理其地扶植諸郡小酋爨地之設部當在唐天寶以後景泰雲南志卷二陸涼州曰夷語以縣爲部則三十七部者三十七縣猶西洱河附近設十賧即十州也爨地設部始自南詔而三十七部之名何時成立則不獲知元程文海平雲南碑

曰兀良合台據善闡進軍平烏蠻部落三十七王憚秋澗大全
集卷五十兀良氏先廟碑述兀良合台征雲南功績曰不二載
平大理五城八府四郡洎烏白等蠻三十七部經世大典叙錄
政典征伐元史地理志及兀良合台傳所載並同即以三十七
部之名稱一區域而所謂三十七部者即大理國屬土之一隅
以此碑觀之亦知三十七部受制於大理也三十七部之部名
馮甦演考卷上倪覲演雲歷年傳卷五師範演繫典故繫五胡
蔚本南詔野史卷上王蘭泉金石萃編石城碑跋並載之即出
諸葛元聲演史演史何本不獲知而元史地理志明修諸本雲
南志散見部名瑜彙之別有大理國地理考証詳焉 碑下截
八行列段子玩等十一人銜名其入都不獲考惟官識則多有

旁証按大理國官制未見於紀錄而樊綽雲南志卷九新唐書南詔傳載南詔官制甚詳以此碑所見官銜校之大都與南詔官職同知大理國設官多沿襲南詔制度也 新書南詔傳曰

官曰坦綽曰布燮曰久贊謂之清平官所以決國事輕重猶唐宰相也此碑有布蠻段子玢布燮段彥貞久贊段子惠李善李

京雲南志略

說郭卷三十六

白人風俗條曰其稱呼相國曰布燮即言大

理國官制又桂海虞衡志曰邕人得其

按大理國

大悲經稱為坦綽趙

般若宗祈禳目疾而書

文獻通考四裔考引

宋會要稿一九九册引大理國王

段和譽奏有坦綽李伯祥

亦見一九七册乃宋史大理傳

則時亦有坦綽之官桂海虞

衡志曰坦綽曾望清平官皆其官名也蓋大理國亦以坦綽布

燮久贊稱清平官也

新書南詔傳又曰督爽總三省也

三省謂乞託祿託巨

託 此碑有督爽王清志按五代會要卷三十引長和國鄭氏轉

牒亦見冊府元龜卷九八一
通鑑後唐同光三年注曰稱督爽大長和國宰相布燮等上大唐皇帝

舅奏疏一封後有督爽陀酋忍爽王寶督爽彌勤忍爽董德義

督爽長坦綽按坦綽會要作垣綽
茲從冊府元龜改忍爽楊布希按希字會要作燮
茲從通鑑注改等所署則鄭氏

亦有督爽之官又陀酋者新書南詔傳曰陀酋若判官又彌勤

者南詔傳曰彌勤掌賦稅此並屬於督爽之官也而稱為督爽

長坦綽者即督爽之主官以坦綽兼之也惟並稱忍爽者則不

獲詳此碑之督爽王清志當為督爽長也 新書南詔傳於大

府中府下府小府後曰府有陀西若管記此碑有陁拈袁永智

蘇晟與按陁拈即陀西之異文从宅或奄之字本相同故陁陀

亦作陂陁而拈則西字增才旁以意造字非遷字別體也新書

南詔傳乾符四年遣陀西段瑋寶詣邕州節度使辛讜請修好亦即此官也 新書南詔傳又曰幕爽主兵琮爽主戶籍慈爽主禮罰爽主刑勸爽主官人厥爽主工館萬爽主財用引爽主客禾爽主商賈皆清平官曾望大將軍兼之爽猶言省也此碑有禮樂爽長附馬布變段彥貞疑禮樂爽即慈爽之職南詔設爽即仿唐之省亦稱為曹樊綽雲南志卷九曰其六曹長即為

主外司公務六曹長六人兵曹戶曹客曹刑曹工曹倉曹

按倉字原誤作會

一如內州府六司所掌之事此六曹校新書九爽無慈勸厥三

爽而南詔德化碑陰題名有六曹長官銜

惟刑曹作法曹凡兩見工曹道光雲南通志釋為土曹誤

與樊

志合蓋設曹或爽以時而異慈爽之設或為後始有之姚安高

氏宦譜稱二十五世輔仁二十六世仁溫並官慈爽已在南詔

季年大理國之禮樂爽當依襲慈爽之制碑稱禮樂爽長與南
詔德化碑陰稱稱曹長用長字正相同又段彥貞以布變爲禮
樂爽長與新書九爽皆清平官兼之之說亦相合 又碑有敞
字覽楊連永楊永彥疑即副貳之官新書南詔傳大府主將曰
演習副曰演覽中府主將曰繕裔副曰繕覽下府主將曰澹酋
副曰澹覽小府主將曰幕搃副曰幕覽並從主將之一字加覽
字爲副貳之稱則廠字覽者亦廠字之副不識廠字即繕裔之
同音異字否穿禪本相近喻之二三等亦相通且以今滇音驗
之舌後鼻聲隨每與舌前鼻聲隨相混而撮口呼每與齊齒呼
相混即沿古之土音也 又碑有彥賁之稱不獲見於南詔紀

錄惟宋會要稿第一九七冊曰政和七年五月十三日大理國

進奉使天駟爽彥賁李子琮副使坦綽李伯祥見於紫宸殿又

第一九九册曰政和七年二月十三日大理國遣使天駟爽彥

賁李紫琮按即李子琮副使坦綽李伯祥進奉按貢物並謂李紫琮為彥賁

亦見宋史大理傳又會要册一九九引大理國王段和譽奏稱令先遣臣布

變臣李紫琮臣楊苛樣坦綽臣李伯祥則李紫琮以布變為天

駟爽彥賁疑彥賁者非別有府署而加銜之號李紫琮為布變

稱彥賁碑之敝字覽其品位當不及布變亦稱彥賁可以知也

龔鼎臣東原錄宋紹興丙辰歲大理國遣使楊賢時彥賁賜色

繡禮衣金裝劍親侍內官張政撰人匠提舉杜昌海墓誌銘元泰定二年

年昔大理國彥賁杜青之八世孫也亦不言彥賁掌何職又碑

有貼侍內官贊衛楊定存贊衛之官未見南詔紀錄惟何光遠

鑒戒錄載長和國鄭旻遣使入蜀事曰蜀後主乾德中南蠻選布燮段義宗判官贊衛姚岑等爲使入蜀又引段義宗詩有題判官贊衛聽汶洞雲歌則鄭氏時有贊衛之官稱判官贊衛者即陀酋贊衛蓋布燮屬官也碑之貼侍內官贊衛則又爲侍內官之屬官碑有侍內官久贊段子惠李善侍內官蓋爲內庭之官樊綽雲南志卷九清平官六人其中一人爲內算官凡有文書便代南詔判押處置有副兩員同勾當此侍內官久贊貼侍內官贊衛蓋即內算官及副而稱貼者意蓋附屬或兼職也

又碑有三軍都統長及都監三軍按稱三軍蓋師旅總名南詔

德化碑三軍齊奮

又稱越巂軍
日三軍潰峴

即稱全軍不必其數爲三也又新書

南詔傳咸通間南詔陷安南重兵守之以范妮些爲安南都統

趙諾眉爲扶邪都統都統即總戎之稱碑之三軍都統當與相
類又樊綽雲南志卷九曰每戰南詔皆遣清平官或腹心一人
在軍前監視有用命不用命及功大小先後一一疏記回具白
南詔憑此爲定賞罰碑之都監三軍其職當與相類段彥貞爲
附馬且職布變也此役統率戎行剪除叛衆以兵威臨三十七
部乃與約盟誓故命三軍都統都監三軍之職也 又碑有皇
叔段子玩稱皇叔者當即段素順之從父與新五代史南漢世
家載長和國鄭旻使者自稱皇親母弟清容布變鄭昭淳
南漢書卷八並不
言鄭昭淳爲皇弟 以皇親而加銜正與相類大理國主自稱皇帝其親
屬以皇叔皇弟稱之地藏寺塔幢有皇都大佛頂寺興寶寺碑
有皇都崇聖寺因國主所居稱皇都也 又碑有理摸陀道楊

通鑑後唐
同光三年

定福疑摸陀道爲地名亦如特摩道之稱然未獲見於記錄惟

大理國有謀統府謀統與摸陀之音相近不識爲一地否元史

地理志鶴慶路太和中蒙封祐按即新書南詔傳之豐祐於樣貢立謀統郡四夷

館考亦曰鶴慶軍民府南詔於樣共置謀統郡又鶴郡知府高

寶墓碑宣德三年曰高昇泰有嫡子八人分牧八府茲鶴川府又名謀

統府李元陽雲南通志卷三南詔置謀統郡段氏改謀統府則

謀統之名自南詔以來有之而八府四郡之設或至高氏輔段

以後始定其初稱郡爲道也碑文地名有求州按新唐書兩爨

傳曰爨蠻之西有徒莫祇蠻儉望蠻貞觀二十三年內屬以其

地爲傍望覽邱求五州隸郎州都督府地理志南寧州後亦載

此五州注與兩爨傳同此五州爲爨部以西之境樊綽雲南志

卷四曲驛有大覽睽小覽睽

按睽卽州也

漢舊覽州也卽謂唐初之覽

州以樊綽志卷一路程及附錄袁滋行紀考之覽州應在今楚
雄縣境元史地理志景泰雲南志李元陽雲南通志道光雲南
通志諸書並釋傍望覽邱求五州在楚雄府境其說近是而通
鑑貞觀二十三年曰西南徒莫祇等蠻內附以其地爲傍望覽
邱四州隸郎州都督府適少求州蓋求州爲爨部地餘四州爲
徒莫祇蠻地故通鑑載徒莫祇蠻內附無求州說當有所本而
新書兩爨傳求州與四州合稱之則因求州與四州之地相接
也以此考之求州應在爨部之西境亦卽郎州昆州之西北傍
望覽邱四州之東北以今地理考之應在武定元謀祿勸諸縣
南詔德化碑紀諸爨殺安寧築城使者有求州爨守懿卽其地

之大酋也唐初在西南所置州縣土族多不用其地名而求州
爨守懿用之則後亦當沿襲不廢此碑之求州卽南詔碑之求
州亦卽新唐兩爨傳之求州所說可通釋求州在武定一帶亦
不至大誤元史地理志武定路曰昔盧鹿等蠻居之至段氏使
烏蠻阿圍珙納洩脆共龍城其裔孫注瓦浸盛以其遠祖羅婺
爲部名又武定鳳氏本末紀曰羅武部三十七部之一本爲羅
婺寨二說不同然羅婺爲部名當未甚古其初則以求州稱之
也碑曰求州首領代連弄免覆磨乃三邑則求州首領三人分
管州之三邑也又碑有迺眾鎮長奇宗疑迺眾鎮卽地名奇宗
人名職爲鎮長故碑曰剪除迺眾鎮長奇宗又曰統置迺眾鎮
惟迺眾在何地不獲詳考段子环等統戎撫邊因迺眾鎮求州

不服剪除之復安輯其民故碑文所云如是碑又有石城地名

按樊綽雲南志卷四曰西爨白蠻也東爨烏蠻也在石城昆川

曲軌晉寧喻獻安寧至龍和城謂之西爨在曲靖州彌鹿川升

麻川南至步頭謂之東爨風俗名爨也新唐南爨傳同是知石城為爨部

地樊志又曰爨歸王為南寧州都督理石城新唐南爨傳同南詔德化碑

亦稱爨歸王為南寧州都督張九齡曲江集敕爨仁慈書稱將軍昆州敕史爨歸王則後改官也舊唐書地理志

南寧州都督領十六州總制南中而都督居石城是知石城即

爨之政治中樞地樊綽雲南志卷六石城川味縣故地也貞觀

中為郎州開元初改為南寧州則石城即在味縣味縣之名已

始自漢屬益州郡見兩漢書地理志及郡國志蜀置建寧郡以味縣為郡治見華陽國志南

注水晉宋齊依之見晉宋齊書地理志則其名稱至唐未改為政治中樞地亦不

自唐始而段子玩等會三十七部於此知大理國時爲三十七

部之重鎮也元史地理志曰曲靖路在漢爲夜郎味縣地蜀分

置興古郡按夜郎興古之說並誤惟味縣在曲靖路之說甚是

景泰雲南志卷二曰曲靖府漢味縣地唐爲南寧州蒙氏爲石

城郡明清諸本雲南志書從之今驗此碑稱會於石城而碑在曲靖可知古之石

城即在今曲靖也又碑之更討打賊下有郎羽兮阿房田洞之

文爲段子玩等到石城後所討伐不審即人名抑地名也又媯

伽諾當人名即三十七部首領之一弄略亦人名即十二將之

一碑多別字踴者強有力也於此不類疑音近假爲厥字書

从厥與屈之字多可通又睿者字書無之疑睿之形訛同音假

爲聖碑稱奉承睿旨可証惟下文衆聖之聖字則不作睿又率者即率字唐寫本王仁

响刊謬補缺切韻序課率下愚即率之異文入聲質韻从率之
字多作率姚安高踰城光再建興寶寺碑率匡救於明朝率亦
率字又更討打賊之打字盟誓之誓字从才旁改爲木旁又帖
血者帖血也即歃血也穀梁莊公二十七年傳衣裳之會十有
一未嘗有歃血之盟也玉篇卷五口部帖字下引穀梁傳作未
嘗有帖血之盟儀禮士相見禮釋文引穀梁傳文亦作帖血碑
之帖从血占聲而造字至如碑之逆媯二字則用爲地名或人
名不解其音讀也 又碑有斫羅沙一遍句疑斫即研字羅沙
即丹沙舊唐書南詔傳異牟尋遣使三輩致書於韋皋各賫生
金丹沙爲贄所獻生金以喻向北之意如金也丹砂示其赤心

耳

新書曰獻金示
順革丹赤心也

樊綽雲南志附錄趙昌奏狀蒙異牟尋與臣絹書一

封并金鏤合子一具合子有綿有當歸有硃砂有金石其使味
言送合子中有綿者以表示柔服有當歸者永願爲內屬有硃
砂者蓋獻丹心向闕有金者言歸義之意如金之堅蓋南人以
丹砂表示赤誠故集合諸部會盟研丹沙一遍明其心跡也三
十年二月十二日記

劍川趙式銘曰據碑則石城之會段素順未嘗蒞盟乃遣使宣諭
之詞碑中踟字疑即跪字脊字疑即眷字皆字疑即背字殆謂
跪奉眷旨有背恩者征服之守分者撫安之蓋此會重在拊循
部衆不專耀以武功也媯疑即媮字揚子方言媮我也今白子
猶稱我爲媮合集世七部媯伽諾者猶云合集我三十七部種
落親昵之詞也段思平一統志諸書稱爲白人其部屬亦當爲

白人故其詞云然三軍都統即皇叔布燮段子玩以皇室之親兼會盟之長故爲碑中領銜非於布燮之上又加一都統也此碑文甚簡樸而文從字順故自可傳餘未詳不敢強解

地藏寺古幢

幢高二丈餘七層上五層造佛像第六層佛像梵文下層刻文凡八面二面橫廣二尺三寸二面二尺二寸餘各一尺一寸五分高九寸三分一面二十行二面十九行一面二十四行二面二十七行一面二十一行一面二十二行共一百七十九行每

行字數或八字或十字十一字不等今在昆明東二里古幢公園

佛說般若波羅密多心經

文不錄

大日尊發願

文不錄

發四宏誓願

文不錄

大理國佛弟子議事布燮袁豆光敬造佛頂尊勝瓊幢記

皇都大佛頂寺都知天下四部衆洞明儒釋慈濟太師段進全

述

原夫一氣始并二儀初分三光麗於穹隆五岳鎮於磅礴爰有挺秀
愚智辨立君臣掩頓於八區牢籠於四海隨機而設理運義而齊風
常讀八索之書非學六邪之典淨邊遏寂定遠殄姦東海浪澄於驚
波楚天宵淨於讒霧君臣一德州囡心只智喆才能乃神謀聖運者
則袁氏祖列之義也由乃尊卑相承上下相繼協和四海媿同親而
相知道掘九州訝連枝而得意承斯鋒銳不起饑荒無名鐘鼓義而
明明玉帛理而穆穆可謂求人而得人亦袁氏之德也至善於高明
生則大將軍高觀音明之中子也其高明生者文列武列万囡口實
而宣威神氣神風千將若摧而留世悲夫四大元無主□蘊空去來
天地橫興不慈大運俄將不意哀哉雲郁郁兮窮天喪雨霏霏兮盡

山悲楚方罷暄東京輟照本州爲兄弟之上將相怯上下之權子小
紹遲系孤亞脫其布燮豆光者至忠不可以無主至孝不可以無親
求救術於宋王蠻王果成功於務本得本乃後嗣踵土化及本忠霜
風令而一海眩秋春雲布而萬物普潤懷其義者日用不知牯其源
者游泳莫惻此袁豆光蒙叨議事也聖人約法君子用之有德而不
可不傳而備遠有義而不可不記以記而標常審夕哀哀終朝威威
尋思大義孔聖宣於追遠慎終敬問立文釋尊勸於酬恩拜德妙中
得妙立理知立善任受七返輪迴如來說一部勝教曰如來智弔號
尊勝瓊幢託其填祭而建之鐵圍即成極樂臨其寒林而起矣地嶽
變爲蓮花即到於菩提道場速曾於常寂光土次祝非孤濟於生我
育我而先勝於恩余達余復利於重義輕生盡濟於亡身報主大義

事事以懷此敬節日日以惟新建梵幢而圓功勒斯銘而標記

道光雲南通志金石門曰謹案右六十二行分爲三面正文每行俱十字共六百二十二字無年月刻云至善□高明生則大將軍高觀音明之中子也考南詔野史後理國文安皇帝段正瀄天授八年讞闡高觀音來朝進金馬杖八十節人民三萬三千戶賜八章禮衣龍頭劍擢爲安東將軍是在宋崇寧二年也袁豆光段進全俱無考

見卷一
九六

騰衝李根源跋曰前光緒庚子應鄉試居昆明嘗偕革就三解以莊兄訪地藏寺餘址謁二忠墓摩挲此幢下者竟日今西事平入省侍樾村師再謁吳王墓飭工拓獲幢片計八面七層梵漢文參半經刻曰佛說般若波羅密多心經大日尊發願發四宏誓願末鐫大理國佛弟子議事□布燮袁豆光敬造佛頂尊勝

瑤幢記款署皇都大佛頂寺都知天下四部衆洞明儒釋慈濟
大師段進全述文作駢儷斐然有魏唐風王蘭泉先生錄入金
石萃編闕造幢人名岑襄勤通志定爲袁臣光余詳加審視確
是此三字且記中有袁氏之德一語尤可證明爲袁記也岑志
又謂高生明則大將軍高觀音明之中子以南詔野史載後理
國文安皇帝段正淳天授八年善鄴高觀音來朝擢爲安東將
軍是在崇寧二年按今滇省會蒙氏善闡府也段改善闡牧豆
光進全雖不可得而考而此幢可定爲北宋時物昆明境內第
一古刻任其滅沒荒草間可乎哉阮志稱地藏寺爲宋末蜀僧
永照雲晤建重修則可若云創建殆未考是幢之年歷耳並正

之於此民國壬子九月

見景蓮堂
題鈔卷二

石屏袁嘉穀跋曰幢在今省會東南二里許高丈餘分數層刻梵
文刻佛像刻段進全文半埋土中近歲重修周以鐵欄建坊門
首余篆題四字以表之考大理國時今省會名善闡沿南詔制
號東都唐書別都曰善闡以相國高氏世鎮之明史土司傳段氏以高智昇
爲善闡牧遂世其地幢蓋高氏作也高氏世臣功烈卓卓石幢
因之增重矣見滇釋卷二

會澤夏光南跋曰石塔在今南關外古幢公園元爲善闡故城東
凡七級高約二丈五尺全體石造其形下部寬大漸上爲八角
錐形上鐫四天王踏鬼奴象手持斧鉞披甲戴胄上部各層刻
釋尊說法圖及聲聞菩薩羅漢諸佛像配置宮殿樓閣寺宇最
下一層刻四角地神蹲伏塔邊刀痕遒勁備極精巧塔上色料

今已剝落四天王像左右空處鐫藏文經典四幀日人高楠文學博士謂爲中國絕無而僅有之傑作而烏居龍藏博士則以塔爲元代遺物以元朝一度証服西藏異常尊重喇嘛教也文見西南支那然考此塔之寶幢銘文稱塔爲大理國袁豆光所造慈濟大師段進全記文則此寶幢實宋代遺物要可藉明宋元滇釋大興而已

見元代雲南
史地叢考

麗江方國瑜跋曰地藏寺古幢在昆明南門外金汁河堤聚奎樓附近其東南一里許楊泗廟後瑜高祖以上三代祖墳在焉民國十一年八月初來昆明伯兄瑞周率瑜拜祖墳至地藏寺廢墟摩抄古幢良久始去次歲瑜讀書北平十餘年間數歸里往回過昆明拜祖墳必順道至古幢旁初識此幢半封以土後已

修治公園幢立草地護以鐵欄爲市民遊觀之所幢高二丈餘分七級出八稜上五級周造佛像第六級刻四天王立像其旁周刻梵文心經第七級八面刻文凡波羅蜜多心經大日尊發願發四宏誓願及造幢記其下爲圓座蟠刻九龍復下爲須彌座雕刻佛像最精世人咸爲驚異滇中藝術此其極品也 造幢記大理國儒釋段進全述不書年月惟有大將軍高觀音明句道光雲南通志卷一九六金石門曰南詔野史段正淳天授八年按似應作天正元年鄯闡高觀音來朝擢爲安東將軍是在宋崇寧二年也按此據王崧本野史惟胡蔚本野史曰崇寧二年鄯闡李觀音得來朝二本不同當有一誤而王本稱高觀音非稱高觀音明不能認爲一人蓋大理國有三字名每用佛號如般若藥師

觀音爲通名其下加一字始爲專名王本南詔野史段智興傳
有高觀音隆水曰寺皎淵碑有高觀音政與造幢記之高觀音
明正相同則惟稱高觀音者不能定爲何人也 造幢記曰高
明生則大將軍高觀音明之中子也考大理國以高明生名者
瑜所獲知有二人一見於皎淵碑曰孫高明生姪高善祐雖妙
年而義誘其衷云云皎淵卒於天開十年甲戌歲即宋寧宗嘉
定七年其時高明生尙在童年也又一見於姚郡世守高氏原
流總派圖曰祥明生子四長明生次明智次明興次明義按祥
明爲昇祥子昇祥即智昇子昇泰弟則此明生爲智昇之曾孫
而皎淵爲泰明之曾孫泰明爲智昇孫昇泰子則自智昇至皎
淵之孫已八代後於祥明之子四代雖二人同名相距當百年

也 造幢記之高明生若為祥明之子則高氏自智昇仕大理

國為鄯闡演習子昇泰襲國人擁昇泰為君以鄯闡職讓弟昇

祥其後昇祥子祥明襲鄯闡侯祥明子明生亦襲鄯闡侯

按見高氏總派圖及

此幢立於鄯闡造幢記頌高明生功德亦意中事則所謂

楚雄高生福碑

高觀音明者即高祥明也然造幢記稱高明生為高觀音明之

仲子總派圖稱高明生為高祥明之長子又南詔野史段正嚴

傳高泰明使四子高明清居鄯闡鎮守與總派圖高祥明高明

生繼為鄯闡侯之說相牾則不可解也 若造幢記之高明生

為皎淵之孫則生當宋季與李元陽雲南通志卷十三地藏寺

宋末蜀僧永照雲悟建之說相符

李說當有所本

則高觀音明者即皎淵

之子與皎淵弟名高觀音政知為同派然皎淵乃祖乃父分封

威楚又南詔野史段智興時高妙音據鄯闡段智祥時高榆城
隆封鄯闡王非高觀音明與高明生鎮守鄯闡則又不可解也
造幢記既不書年月又不詳其始末且紀錄多闕高明生之
爲祥明之子抑皎淵之孫又或別爲一人否皆不可知然大理
國自高智昇專政分封其子族鎮守鄯闡高明生爲智昇之裔
孫則可得而說也幢之施主袁豆光署銜議事布燮造幢記曰
袁豆光蒙叨議事按大理國官職有布燮多見於紀錄即沿襲
南詔制度新唐書南詔傳官曰坦綽曰布燮曰久贊謂之清平
官所以決國事輕重猶唐宰相也樊綽雲南志卷九大軍將與
清平官同列每日見南詔議事又曰清平官六人每日與南詔
參議境內大事則謂議事布燮者以布燮官職參議境內大事

稱之未必布變有數等也豆光蓋嘗出使至宋造幢記曰其布
變豆光者至忠不可以無主至孝不可以無親求救術於宋王
蠻王果成功於務本得本云云此宋王當指宋朝天子而蠻王
則指大理國主不避蠻字 又撰文段進全署慈濟大師按李

元陽雲南通志卷十三大理府宋釋釋圓鼎滇釋記宋釋有慈
濟和尚曰大理人未詳姓氏述其洱海東北危石上禮拜足跡
不審此慈濟和尚即段進全否明景泰正德李修諸本雲南志
並載地藏寺而不言古幢劉文徵滇志卷三古蹟志始載之曰
梵字塔在府東地藏寺相傳梵僧封邪魅者周遭皆刻梵書上
覆以閣昔人折其頂有黑氣直射而出因封如故

康熙雲南通志卷十九府志卷二乾隆雲南通志卷

二十又卷十七寺觀志曰地藏寺中有幢以安毒龍昔貴官強起

立是以沮濡之處有癘疾焉蓋初固封鮮人知也王蘭泉金石萃編卷一百六十錄造幢記文道光雲南通志以下亦載之三十年二月十八日記

地藏寺界石

今存二石一刻地藏常院東至界址十一號一刻十四號知其石

尚多字類小歐道因碑藏字作瘵可知爲宋代訛字

採袁嘉殺說

按李元陽雲南通志卷十三曰地藏寺宋末蜀僧永照雲悟建宣德四年僧人道貞重修則立界石許在初建寺時惟不紀年月耳

劍川趙式銘曰昆明地藏寺古幢無朝代年月不知爲何時代物其造幢之袁豆光述事之袁進全并未見於他書惟据記述

所稱似袁豆光之列祖與善闡牧高氏有尊卑上下之分世同
休戚至豆光又爲高氏議事布變有世君世臣之義故於高明
生之沒重致悲悼復以高明生身後子幼紹遲深懼家國無主
爲之維持調護卒底於成乃造作佛幢以永前庥並資冥福是
袁豆光於高明生當在故吏之列故其情懇之如此此篇文體
全胎息鄭回德化碑其云楚天消淨於讒霧者滇中爲楚莊躡
舊疆意當時或有間高氏於大理段氏者故其辭如此後云楚
方罷暄東京輟照則以高明生沒後東西兩京皆黯然無色所
以致慨於高明生者深也意段進全者亦大理段氏宗族其人
默名儒行濡染於滇文獻故署銜有洞明儒釋之號其生世亦
當與袁豆光相先後此可就記述而窺其大指者也今之昆明

即周時之善闡國范氏通志稱之今滇西白子方言猶稱昆明
爲善闡白子言爲最古最雅之言至今尙存三代古音則善闡
之名其來已久或以善闡爲善鄴不知善善乃西域國名與滇
地懸絕也或又以幢爲高氏作則以高氏世鎮善闡遂以此幢
歸美之耳昔吾友屏山翁斷幢爲宋物其說可信今仍作古幢
者闕疑之義也

護法明公德運碑贊摩崖

高八尺八寸廣六尺五寸五十二行行四十六
字左行行書今在楚雄縣西五十里紫溪山

護法明公德運碑贊

大理圀高相公國仲子之孫諱曰量成自幼有大器及長思欲立大
功定寰宇而道未合俄然四夷八蠻叛逆中國途路如蝟毛百姓離

散天不早命公斯氏墜矣公於時領義兵□鄉勇掃除烽燧開拓乾
坤安州府於亂離之後收遺民於虎口之殘四海清肅路不拾遺帝
勅號曰□□□□□□□□□□周道不行商道商以誓爲實周以會爲
實公累與諸蠻會而不曾誓故行周道非獨行周道代亦周氏□□
□□□□放□□□□□□□□□□關門不閉傳曰進賢受上賞蔽賢受誅戮齊有
仲父鄭有子產竹帛稱之爲民之父母孔子□誠之爲□進賢也□
□賢□□□有德□□□八紘宗族同一心四海爲一家詩曰濟濟有衆
此之謂也語云生而知之者上也公自幼孤久失進訓不喜盪遊弱
冠歲餘天地合德日月同明溫良五備□六藝三□隨而有之所謂
生而知之者上也公不閑書史而所爲動作皆合書史公以禮義爲
衣服以忠信爲甲冑以智勇爲心肝□之來者割地而封之不歸化

者興兵而討之自是天下大化公明□□地了了性源興修白□喜
建伽藍衆山蘭若無不周備所謂溉其根而□其實種其福而積其
基帝憫其精勤有道爲□濟民皆在斯焉再勅號曰護法公公在位
几年乃讓位與其姪中囡公中囡公必腹股肱瓜牙皆公之爲也公
爵地威楚府牟州石棗弄□處威楚府西隅去府五十里地名紫溪
山林茂盛是賊巢穴採樵刈草皆爲賊所□公□□創居處建宮室
賊散去不知其幾千里也泉甘而山茂公之居處仲尼有云仁智者
也四夷八蠻累會於此八方羣牧□□於此雖夷狄之深仇部曲之
怨恨到此善歸方寸惡竟冰釋袖刃懷刀一時捐弃甘辭艷語以發
喜戲古人有云人傑地靈也八紘四海聞命於此可謂大矣樹異山
靈不□□□松杉上□□□白雲□寺遶前栖一□兩□瑞

明月侍座清風掃門喜聽法鼓明心不聞塵囂聒耳真

負而生喜色况公功業蓋天地道

德高古人尙和光同塵而不負自高自太之意

皆以身爲天下安危詩不云乎愷悌君子民之父母伍

員者古之智勇忠孝之士也見稱

將吳軍而伐楚破塚鞭骨而冤未消如公雖以深仇大讐胸襟坦

然而懷不校此皆能人之行

戰場屋畫虎无成南國十有六年蒙公清照如族人命

史記修春秋褒貶合宜爲萬世

之信書而發微言曰知我者其惟春秋乎罪我者其惟春秋乎

公者百之一二尙未盡善也之

說恐無据又通志古蹟云高量成碑在楚雄城西四十里紫溪

山獠獠箐此碑當是也

見金石萃編卷一百六十

青浦王昶跋曰案碑在楚雄城西四十里紫溪山獠獠箐雲南通

志山川卷不載獠獠箐而紫溪山則云在楚雄府城西三十里

薇溪山之右松竹陰森峯巒秀麗梵宇琳宮踞一郡山水之勝

又古蹟卷載德江城在府城西北二里宋段氏時高昇泰執國

柄封其兄子明亮於此因築此城又名德江村昔高量成避位

居此一村化其德是即碑所云威楚府西隅去府五十里地名

紫溪公創居處建宮室也今之楚雄府在宋時大理段氏以其

地屬姚州名富筋賧後改威楚郡碑故謂之威楚府也高相國

之始由于段氏以南詔野史滇考滇史滇記參考之段氏之先

爲武威郡人自段儉魏從鳳迦異敗鮮于仲通于西洱河蒙氏
擢爲清平官易名忠國六傳而至思平爲通海節度使楊于貞
忌之晉高祖天福元年討平楊于貞二年自立號大理國開運
二年思平死子思英立三年羣臣廢思英而立其叔思良周太
祖廣順元年思良死子思聰立宋太祖開寶二年思聰死子素
順立太宗雍熙三年素順死子素英立眞宗大中祥符三年素
英死子素廉立仁宗乾興元年素廉死姪素隆嗣天聖四年素
隆避位爲僧禪於素眞康定元年素眞死孫素興立慶歷三年
國人廢素興而立思平曾孫智恩之子思廉神宗熙寧六年思
廉避位爲僧子廉義嗣元豐三年廉義爲其臣楊義貞所弑義
貞自立篡位四月岳侯高智昇命子昇泰起東方兵誅之而立

廉義之姪壽輝以靖難功加高智昇大保封德侯此高氏之始子昇泰

封鄯闡侯代智昇爲相于楚雄築外城號德江城以封其姪子

量成

此高量成之始

四年壽輝避位爲僧立思廉孫正明哲宗紹聖元年

正明避位爲僧國人奉高昇泰立之號大中國二年昇泰有疾遺命還國段氏而卒四年昇泰子泰明遵遺命立段氏正明之弟正淳改稱後理國以高泰明爲相徽宗大觀二年正淳避位爲僧子正嚴嗣政和七年徽宗詔使勅封正嚴爲大理國王是年高泰明卒追封國師以其弟高泰運爲相國高宗紹興十七年正嚴避位爲僧子正興嗣十八年六月高量成討三十七部叛夷平之以姪壽貞爲中國布變自號中國公退居楚雄即此碑所載之事也据此碑則中國公乃其姪壽貞之號非量成自

號量成固勅號曰護法公也高國主之稱始於高泰明而連及於高量成演記載政和三年高正嚴向慕中國與國主高量成謀入貢從廣南道請之倪蛻撰演雲歷年傳疑之曰此時高泰明爲相何以又有國主高量成國主非官名恐是柵主之譌高泰運曾爲柵主或量成繼之耳此蓋倪氏未及詳玩此碑所謂國主者卽中國公之稱非謂大理國之主也碑無歲月以量成退居楚雄考之于時爲段正興永貞元年在宋爲紹興十八年

見金石萃編
卷一百六十

姚安由雲龍跋曰碑係摩崖行書在楚雄城西四十里紫溪山獠獠箐王氏金石萃編已著錄惟因地僻崖險椎拓不易故世罕傳本民國二十二年四月余友鄧君子琴授教中學休沐之暇

約同事數人裹糧而往次晨始達知距城實不僅四十里且危崖壁立荆榛礙道雇土人搭高架二丈餘揉升而上親施氈椎乃得一完本寄余余感鄧君好古敏求之意且余故鄉文獻所關爰爲詳徵始末趨錄全文時曲石李前部長印泉居蘇州有雲南金石撮錄之役以稿質之而未錄副本未幾倭寇入蘇稿遂散失茲爲補記大略未能如前稿之詳盡也當宋元豐三年大理國王段廉義爲其臣楊義貞所弑岳侯高智昇命子昇泰起東方兵誅之而立廉義之侄壽輝以靖難功加智昇太保封德侯子昇泰封鄩闡侯代智昇爲相于楚雄築外城號德江城以封其侄子量成後壽輝避位爲僧思廉孫正明立正明又避位國人擁立高昇泰號大中國昇泰疾篤遺命還國段氏子泰

明遵遺命立正明之弟正淳改稱後理國泰明相之正淳傳子
正嚴當徽宗政和七年泰明卒追封國師以其弟泰運爲相至
紹興十七年正嚴避位子正興嗣次年六月三十七蠻部叛量
成討平之以其姪壽貞爲中國布變自號中國公退居楚雄即
此碑所紀之事實也以上係萃編根據倪蛻演雲歷年傳紀載
之詞茲據碑文以補正之碑首云大理國高相國公仲子之孫
號曰量成按高氏族譜稱始祖隨諸葛武侯南征至滇九世至
子進仕唐封蒙大將軍職世襲其始祖及九世暨子進後之名
字俱闕略不載可知者僅此然則高氏已世顯達萃編于智昇
封德侯下注云此高氏之始者非也量成爲相國公仲子之孫
相國係謂昇泰昇泰之子泰明其侄泰運是量成即泰運之孫

特不知係于進爲何代何支系之子孫耳碑文又明載勅號曰護法公公在位九年乃讓位與其姪中國公是中國公乃其姪壽貞之號萃編因錄歷年傳之文以侄壽貞爲中國布變自號中國公似中國公爲量成自號者後已辨言中國公乃其姪壽貞之號非量成自號矣後又于政和三年高正嚴向慕中國與國主商量成謀入貢之文疑歷年傳謂國主爲柵王之非而云此碑所謂國主者即中國公之稱又以中國公屬之量成故稱之爲國主游移倘恍幾莫衷一是要知謀入貢事係在正和五年量成猶柄政至紹興十八年而始讓政于其姪則其時壽貞烏得有中國公之稱量成既封號曰護法明公且高氏世崇政炳自高泰明作相封侯即已有高國主之稱沿及于量成者自

然之勢也至昇泰之立歷年傳大書遂其君段正明而自立僭
號大中國改元上治萃編據諸書作正明避位爲僧國人奉高
昇泰立之其族譜則載國人推戴再三義不容辭始正位焉族
譜雖其後人所撰述然觀昇泰遺命還國段氏可證其非有心
篡竊殆積勢使然不然何必囑其子又還諸段氏耶觀于高氏
屢平叛亂而其後高泰祥又能死節高氏誠有足多者所惜泰
祥以後書缺有間直至雍正七年高厚德世始續有紀載然宗
支式微助以贅子時易世移已非復高氏的系矣碑文漫漶過
多在王氏收錄時已剝蝕不全茲就新得拓本較補於此碑係
二十五行行四十六字左行行書高約八尺八寸廣六尺五寸
其第十一行去府五十里地名□溪山林茂盛溪上係紫字第

十二行茂公之□處處上係居字第十五行抽刃懷刀抽字係
袖字之誤第十六行八紘四海關命於此關字係聞字之誤又
樹異山靈□□□□松杉□□□□白雲□□庭前靈
下有不字杉下有上字庭上有寺字皆極明皆以身爲天下安
危安誤女又忠孝之士也□□也下有見稱二字又將□軍而
代楚係將吳軍而伐楚又如公雖□仇大讎雖字下係以字又
胸襟坦然□□不□然字下係而字不字下係校字又蒙公清
照如□□□如字下係族字銘詞第三句□君奇□君字上係
相字以上校補者十餘字而已碑無歲月及撰書人推其時在
段正興永貞元年當南宋高宗紹興十八年倪氏謂自泰明死
泰運相高量成乃遂稱國主改年號居然與段氏並立想亦東

西各占一京也野史載量成改元大寶高貞明改元興正皆屬
諄謾不經等語證以高氏族譜改元僭諡儼然五代世家蓋其
時段氏守府高氏擅權此在曹魏司馬崑已獨斷已成固然矧
其要荒割據遠隔中原泰然自專亦奚足怪倪氏斥爲諄謾猶
迂拘之言也碑文載紫溪山林茂盛是賊巢穴採樵刈草皆爲
賊所擄公于此剏居處建宮室賊散去不知其幾千里也夫以
近府城數十里而近即爲賊巢而逮今又八百餘年鄧君等結
侶往遊猶是榛莽荒穢時有戒心往後推之將又若干年而後
得進于開明文化之區域乎吾以謂邊境劃界雖尺土在所必
爭何肘腋之地尙棄置不理聽其自爲生活亘古不得沐文明
之化澤又奚爲者且也大理國幅員大要不出今迤西諸州縣

而東部不過羈縻聽號令而已以區區之地而封侯建國各占
食采其時人民之困於徵求苦于賦役者不知若何而此數百
年間仍復變亂相循干戈不息故至今其人民之知識能力與
古昔無大差別吾是以讀斯碑而不禁喟然太息也

見定庵
類跋

麗江方國瑜跋曰大理國護法明公德運碑贊摩崖在楚雄縣城
西五十里紫溪山明修諸本雲南通志所不載惟李元陽通志
卷十楚雄府名宦曰高量成智昇五世孫段氏時爲相退位築
城於威楚之德江村優恤孤寡老幼風俗遂化稱爲夷中君子
子孫世守其地與碑文合則或據碑文作傳也康熙雲南通志
卷十九古蹟志楚雄府曰高量成碑在紫溪山之猢猻洞其上
字跡磨滅不可讀即謂此碑王蘭泉金石萃編卷一百六十載

碑文缺字二百十餘不及全文五分之一今瑜所得拓本未精
可識者則不過三分之二也 碑頌高量成之德業首句曰大
理國高相國公仲子之孫諱曰量成按高相國即高泰明泰明
仲子即高明量祥雲水曰寺蛟淵碑曰相國公高泰明之曾孫
政國公明量之孫護法公量成之子也可證則所謂相國仲子
之孫者量成爲相國公孫乃相國公仲子所出也姚郡世守高
氏源流總派圖泰明生四子長明順次明量次明清次明性而
明量僅一子曰量成正與碑文相合高氏父子相承皆以名之
末一字聯續故以泰明明量量成爲名也惟元史地理志威楚
路曰高昇泰執大理國柄封其姪子明量於威楚云云昇泰即
泰明之父則姪字即孫字之誤李元陽雲南通志卷三楚雄府

古蹟曰高昇泰封其姪量成於威楚則從元志說而改明量爲

量成誤曾孫爲姪也南詔野史段正嚴傳亦稱高昇泰姪量成

則又從李志而誤惟李志卷十稱量成爲高智昇五世孫則不誤引見上文碑稱量成自幼孤久失庭

訓有大器及長思欲立大功而道未合俄然四夷八蠻叛逆中

國途路如蝟毛百姓離散天不早命公斯民墜也公於時領義

兵口鄉勇掃除烽燧開拓乾坤安州府於亂離之後收遺民於

虎口之殘下文弱冠歲餘天地合纒云云則量成時年二十一歲按南詔野史段正嚴傳己亥歲宋徽宗宣和元年

三十七部蠻復叛陷鄯闡高明清按量成之叔戰死郡臣以高量成有

德請立爲相號中國公碑所謂四夷八蠻叛逆者即指三十七

部之亂量成受命爲相國除亂安民野史不言其事功碑文適

可補其缺略也倪颯滇雲歷年傳卷五高量成討三十七部叛

夷平之惟繫於宋高宗紹興十八年六月王蘭泉從之然是年量成已

退位又滇雲歷年傳卷五引滇記段正嚴與國主高量成謀入

貢王蘭泉以爲在政和三年然是年量成年未弱冠也碑稱中

國途路如蝟毛者即稱大理國境高氏自智昇輔段氏功業炳

彪後段氏不振國人心歸高氏擁高昇泰爲君國號大中國昇

泰臨終囑其子泰明還國段氏而泰明爲相國專政柄號令皆

出其門段氏虛擁名位而已自後高氏世爲相國稱中國公用

其立國之號目無段氏故以中國稱其國境姚安興寶寺碑元亨二年

曰乃與中國成行祥雲皎淵碑天開十六年曰中國蒙其害並以中國

稱其國境令人深思也 據南詔野史量成爲相號中國公今

碑第三行帝勅號曰以下剝蝕當有中國公三字王蘭泉以爲

中國公乃其姪壽貞之號量成則號護法公然碑文曰再勅號
曰護法公則前之封號非護法公而護法公爲致仕時之號任
相國時當號中國公也南詔野史稱高順貞高壽貞高壽昌爲
相國並號中國公則高氏爲相國者即號中國公惟或稱國主
或稱棚主或別有封號如平國公政國公興國公之類亦稱之耳高氏自號中國雖未
爲君亦世及相傳其號也 高氏之封地威楚始自量成之父
明量元史地理志威楚路及鎮南州又廣通縣並言之南詔野
史段正淳傳曰築楚雄城以封高泰明之姪明亮明亮即明量
又姪字爲子之誤段正淳以宋哲宗紹聖三年立在位十三年
禪位爲僧其時距量成爲相國凡十二年而量成少孤弱冠仕
段氏則明量之封於威楚應在段正淳初年其卒亦當在段正

淳未禪位之前也量成讓相國位退居威楚蓋襲其父封地退

位之年南詔野史段正興

即義長

傳曰丁卯歲

宋高宗紹興十七年

六月十七日高

量成讓位與姪壽貞則量成爲相國凡二十有八年其退位時

年已五十後二年子皎淵始生

詳見皎淵碑跋

碑稱公爵地威楚府牟州

石堞弄□處威楚府西隅去府五十里地名紫溪即摩崖碑所

在之處按元史地理志威楚路定遠縣曰唐蒙氏遣爨蠻酋抬

萼鎮牟州築城曰耐籠是知定遠縣在元以前爲牟州而定遠

在楚雄縣北五十里則紫溪山原屬牟州後以牟州之耐籠置

定遠縣石堞弄改屬楚雄蓋高氏世守威楚因石堞弄爲量成

所居也弄籠並音字羅羅語城也紫溪山本荒僻之區碑亦稱

其地故爲賊巢穴量成始創居處建宮室南詔野史曰高量成

退老楚雄城人化其德名曰德江城按元史地理志威楚路曰
高明量築外城號德江城則德江城明量時已有非量成所創
李元陽雲南通志卷三楚雄府古跡曰德江城在府西北二里
則德江城與石棗弄非一地元志固謂明量居德江城而碑稱
量成創居石棗弄李志及野史已爲量成居德江城者誤也然
量成別居石棗弄當治理威楚全境也 高量成子孫事蹟惟
皎淵有碑可考餘則無聞元史地理志謂威楚高氏自明量傳
至其裔長壽元憲宗征大理平之不識長壽於量成何屬也又
土官底簿卷上楚雄府同知高政由前元祖父授威楚開南等
路總管洪武十五年歸附則元代亦以高氏守威楚又不識高
政於高長壽何屬也迄明正統元年十一月楚雄始設流官高

氏鎮守斯土三百三十有餘歲也 此碑紀年月已剝蝕故難

定爲何時所作惟楚雄縣志曰上鐫戊寅護法明公德運碑贊

據道光雲南通志金石門引金石萃編缺戊寅二字細審拓本寅字尙可辨因此二

字適在碑右隅故拓片不清想原石上猶未損也縣志所載當

據探訪其說可信考碑爲量成退居楚雄後所作戊寅適當宋

高宗紹興二十八年即大理國段正興即位之十二年時量成

退老亦已十二年則爲是年所作即當大寶十年也楚雄縣志

又曰考之楊慎滇載記係在宋徽宗年間按滇載記不載量成

事蹟又宋徽宗當國二十五年無歲次戊寅則縣志誤惟由此

可証縣志釋戊寅二字確有所本非欲附會而以意爲之也此

碑未行有□□□□武軍進士□□□□士奉命記即撰碑文

者之署名惟姓名已蝕不知爲何人也碑文有宋國建武軍進士兩戰場屋畫虎無成□□南國十有六年蒙公清照如□□人□命□□□□此即撰碑文者之自述碑未署名可辨武軍進士四字亦相合則撰者本宋人而流落南國已十有六年爲量成所器重命撰碑文此可知也自紀其身世正與鄭回作南詔碑自述蠻盛家世漢臣數語相類亦因所處所感者同也漢人之仕南詔多見於紀錄而仕大理國者則甚鮮此碑所紀雖不知姓名亦可貴也民國三十年二月二十四日記